

նուլ 'ի նմանէ . գրեաց յայնժամ Երեմիա Չէլչալի թուղթ աղաչանաց առ Յոյն Պատրիարքն , ընդ որում ունէր բարեկամութիւն և ընտանութիւն մեծ . և չահեալ զսիրտ նորա՝ հաստատեաց խաղաղութիւն 'ի մէջ նորա և Մարտիրոսի : Եւ եղեւ յետ այնորիկ 'ի չուեւ Մարտիրոսի յերուսաղէմ , հասեալ յԵգիպտոս , հիւանդացաւ եւ վախճանեցաւ անդ . եւ թաղեցաւ յեկեղեցւոյ Ս . Մինասայ , այն է՝ Մար Մհնս , յաւուրս պահոց վերափոխման Կուսին , յերկրորդ ամի նստելոյ Եգիպտարու յԱթոռն Էջմիածնի , և մահ իւր զերծոյց զնա 'ի ձեռաց պարտատեարց իւրոց (1683) :

### Գ Լ Ո Ի Խ Ծ Ա .

Պատրիարքութիւն Յովհաննէս վարդապետի : Ամին Եպիսկոպոս : Վէճ Յունաց ընդ Լատինս : Հակառակութիւն Լատինաց : Նորագութիւն Ս . Փրկչի : Գործ Յոյն Պատրիարքի : Նեղութիւն արտոգեաց : Մահ Յովհաննու Պատրիարքի :

**Յ**ԵՏ վախճանելոյ Մարտիրոս վարդապետի և անցանելոյ երկուց ամաց , ընտրեցաւ յաթու Պատրիարքութեան Երուսաղէմի Յովհաննէս եպիսկոպոս Կոստանդինուպօլսեցի , մականուամբ Նիսիւնի կոչեցեալ , աչակերտ Աստուածատուր Պատրիարքի . սա եկեալ յերուսաղէմ միաբանեցաւ 'ի վանս Ս . Յակոբայ (1641) , և յաջորդեաց յԱթոռ Պատրիարքութեան (1685) :

Սա ինքնին մատոյց զիր աղաչանաց 'ի Դուռն և էսու զերկուս հրովարտակս 'ի միում ամի՝ \090 (1685) վասն հաստատութեան իշխանութեան իւրոյ . այլ անպակաս էին հակառակութիւնք ոմանց , զի հանապաղ նիւթէին նմա չարիս , յընկենուլ զնա յաթոռոյն : Տեսեալ Յովհաննու զտհաճ միտս միաբանաց ոմանց , ժութաց և վերստին զգրեաց զիր աղաչանաց 'ի Դուռն և առաքեաց զայն 'ի ձեռն պատգամաւորի , զի հաստատեսցէ զիշխանութիւն Պատրիարքութեան իւրոյ ցկեանս , որպէս արարեալ էին ոմանք յառաջագոյն . թէպէտ էսու հրծվարտակ ըստ խնդրանաց